

西浙泉厓邵先生詩集

西浙泉厓邵先生詩集卷之九

西蜀門人鑑塘周俶梓

西蜀門人蘭谷郭禧校

一泉兄携遊雁山發江舟適南州寄到圖志有作
秋風吹動雁山思江山圖開晚更宜舟楫雲平華頂月
乾坤景盡石梁詩青楓白菊迎仙旆玉斗瑤河漾酒卮
何謂南州應太史烟霞筆札遠相期

次會江驛用孫南江監司韻

富春斜日淨雙軒高節幽懷弔此村秋入平沙開赤岸
山迴故驛見青門客來不盡嵐前景鶴去空招石上魂

忽聽玉簫吹鳳曲好將詩句報黃昏

會江江濶浪花重開讌中流自在供短髮寒雲秋作主
越琴羌笛晚相從得時鷹隼方高翹隔水芙蓉亦冶容
風景滿前渾不寐月明灘下寄詩踪

北風旅鴈度河梁影入平沙夜有光此日一尊吹短髮
三江萬里下清霜郢中詩句誰能答海上仙山意不忘
愁絕感深生遠興高天落木倍淒涼

江上見雲影依山如飛如綴感而賦此

游雲颺曳傍山隈客子中流首重回生慙忽驚開日月
浮陰迅速走風雷千巖萬壑明難定倚石迷花斷欲迴

幸不長遮雙鳳闕高江何地覓三台

桐君臺

深秋木落響桐臺雙鶴寒雲特地來
滾滾風波愁日暮娟娟江月爲君開
青山不分遊麋鹿芳杜空憐蔓草萊
我欲行吟向煙壑網常千古此中裁

馮公嶺

懸厓飛瀑漾晴嵐百折千盤路未諳
長劒倚風吟自得明珠入掌咲誰探
寨門不管樺花老山館空憐木葉酣
不是胸中有谿徑行人到此幾停驂

山田千疊形如懸磬勢如緣梯不啻萬頃而耕聲

四起余感而賦此

萬山堆裏開阡陌澗道斜飛下石潭
遶樹入雲懸不斷全欹半折巧相參
勦連天外村村急鳥足霜前粒粒甘
此日勝遊還徙倚當歌休唱望江南

飲南明山題名千里亭簡謝党穎東兵憲

絕頂南明見小亭客來登眺必須經
九秋楓樹千山赤百代人龍雙眼青
酒過葉心風味好苔侵石面墨花腥
槎迴倒過長河水只尺光搖漢使星

江心寺二首

晚潮橫浦正愁予曉日開山與不孤
小棹平飛雙白鳥

清江倒入兩浮圖花宮隱隱聞仙梵水殿溶溶見蕊珠
六朝暇依先眺望風塵那得到蓬壺

西江入夜抱潮還絕壑開林特地偏珠樹月明棲野雀
正秋冷發青蓮謝公詞賦空文藻文相孤忠在簡編
千古同聲各祠像可能叅對說生前

遊東西天目山二首

康樂舊風流春草池塘野興幽盡日東山經鳥道
冷然駕探龍湫霞光反照千峰夕詩思平分萬頃秋
同說西天更形勝匣琴囊劍共追遊

天竺崔下來晚迢迢西山復此行耽句豈緣愁杜甫

北遊應不媿長卿雲坳酒日岩花落風磴凌空石筍生
雨爾瞿曇說幽寂鳥啼猿嘯不勝情

餞蔣南冷守南寧

溪今夕繫樓船京國鳴珂憶往年極浦銀蟾離瀚海
一簾清影照華顛蒼梧草木懸新雨丹陛雲霄隔遠
六前席定知明主意漢廷共說賈生賢

江介軒夜飲所憩亭有懷五川楊子

尊明月高人共今古乾坤幾咲歌簾外芳香花雨亂
前短吹笛聲過孤飛夜鵲來高樹長駕春星度遠河
對有懷渾不寐露華搖落曙光多

侍大峰翁野寺觀潮和一泉兄韻

八月秋高風露寒
藤枝竹篠蔓闌干
潮頭白馬來何晚
江上紅旗浪自歡
杖屨百年詩力健
墳麓一曲酒杯寬
臨流莫訝渙舸穩
萬里波濤底樣看

江洲雪行

水激風號江不流
凝雲妬雪天悠悠
九霄色動清虛府
萬里春成白玉樓
小苑闌干飛不定
窮簷車馬凍難收
河橋柳眼應回綠
只尺新波下御溝

艾峰姜山陽北上留別

六月江臯風力微
脩然小閣動清暉
使君報政經過遠

賢漢承恩去住稀
兩地鍾聲天外迴
隔簾草色雨中肥
他青瑣應相憶
淮海春深花自飛

北江聞人寶應行取秋夜話別

三雲躍日開烏府
九鷁翔風上玉京
自信夔龍鳴聖
詔翻憐淮海失
陽城
烟花逆棹
千里松月
撩人月一
枰此別不須多
悵望長安春早
杜蘅生

送總戎楊容堂致政南還二首

咸陽門外不聞笳
細柳營中早建牙
萬里風塵悲去馬
百年身世信歸鴉
金陵城郭雲初合
采石江皋月正華
自是君恩酬未得
肯教方叔老天涯

少壯頻番肘虎符白頭還喜掛金魚春風荏苒迴宮草
夜鶴棲遲伴使車漕政十年心未老閒身此日意何如
龍江牛首堪乘興瀟洒無妨問索居

元日壽楊堯湖通政

朝來萬國朝元日堯子湖頭得氣先北斗九天開壽筵
南山一曲獻華筵瑤苑碧草春常注柏葉椒花暖更便
千古于宣維嶽降長生何必羨堯年

寄亭留別毅齋劉獻卿獨山邵大叅各來韻二首

江閣浮槎舊此遊劫來花鳥倍清幽雨沾石骨苔痕淺
風淨亭心暑氣收國北壯懷經歲月淮南詩句尚淹留

隔林新月偏來照一曲歌終興未休

十載低垂揖孟郊三江津樹過星軺新篇筆落繁雲葉
長夏情牽多柳條封石孤亭悲往事分枝南國認先朝
相逢莫惜花前醉明日帆聲急夜潮

送芝峰劉世光迎養汝南

草閣春深花滿川故人風致尚依然一番桃李經新雨
十載松杉隔舊烟夢入北堂心獨往笑回南浦月同圓
汝陽秋早多鴻鴈嘹唳聲高急暮田

午日送許竹居令崇用韻

竹居繹閩人也尊君宦遊生竹居干寄亭故云

煙花萬里下舟航野籛村沽笑舉觴黃鸝雲霄堪共翫

綬麟亭館未全忘榴英節破紅綃障楊葉情牽金縷裳
明日郊居春水足湖波只尺接天長

壽熙臺潘中丞一首

十年北闕看紅藥此日西莊飯紫芝自信淵明渾漫興
須知安石繫長思瑤桃漲暖春心老華月天高崔影遲
爲報靈椿無限祝綠衣那得酒同卮

乞言熙臺爲老父
壽適值壽期故云

泮泉海石二錢子赴春試和韻

曲江三月花正開神魚拔浪搏風來此時遙瞻白玉陛
翛然同上黃金臺文章爲說小坡好忠義還竒大宋才
聖代百年惟養士甘泉獻賦不須猜

壬辰江浦朝元

三年臘送淮河水萬里陽回北地春
閭闔霏微瞻鳳輦雲霄彷彿覲楓宸
鍾依曙影聲初落袖裊霞光色未勻
拜罷更深天保頌宮鴉飛拍柳條新

寄亭和約齋周上丞韻

二月望日風色好花飛葉密春陰深
扶藁初日上朱箔江館流嚶開素琴
坐見韶華且對酒忽聞時事空沾襟
高齋筆札有餘興天際煙雲成古今

李中溪寄酒不至畚簡

折簡當風取次開江亭長憶謫仙才
白衣不負黃花約

清支何孤綠酒杯明月此時看共滿故人千里笑應迴
西湖荏苒多春草何日重登湖上臺

劉毅菴惠鰈因憶陳茶丘戶部

去年魚美情不釋今歲烹魚魚更鮮宜滋鄉味予流轉
海水天風吾獨憐舊好每尋涼月下新篇還到大江邊
只看孤鶴留玄影常伴山人埜興便

尋春

曉起尋春春可憐煖煙疎雨下江干隔林好鳥語初歇
傍水埜花開未闌北國香塵堪試馬西湖高柳漫樓臺
東風荏苒還流轉明日明年依舊看

東坡詩集卷之六
叙別劉毅菴倉部

寄寄亭前月到時好風吹動綠楊枝三年草閣感新別
此日雲山塵遠思竹密不妨啼鳥恨水深難上釣魚絲
多君愛我同官好短酌長歌有所期

別韋性甫清秦伯優仕學二子于秦郵舟中

寶應湖邊茭草長晚風吹綠過江鄉輕帆欲下南州鶴
野水平分北路航應物風神多噐重少游逸思足才良
雲霄指日堪乘興萬里雙飛慰所望

南歸過崇許竹居留飲索和卷中韻

清淮十日到山家山月初輝山更花月色更憐遊子鬢

花枝偏笑使人車
新秋十里雲同遠
好雨三江夢不賒
勾漏主人有仙骨
相逢即爾問丹砂

省墓

三年不拜玉泉山
千里關心夢未安
淮北月明憐去鳥
湖西雲遶泣回鸞
即看巢閣乘春住
喜見松濤入夜寒
慈氏仙踪何處在
靈源空咽下平湍

九日登高

西子湖頭秋日薄
南高峰下晚雲從
黃花綠酒笑誰共
絕巘危椒青復重
已訝匡廬笙鶴駕
忽思陶令煙霞蹤
美人谷口失去路
草色長陂憐短筇

飲峽石北山小閣兼簡聞聖謨陳橫洲諸兄

天外紅雲傍日流
尊前綠酒向人醇
十年未負看花約
此日同深爲國謀
北海祥光春不斷
西山佳氣夜應浮
楊雄自有凌雲志
何待河東屬薦籌

飲硤樵樓橫洲辭去因簡澹泉年兄

朝暾樓閣對蒼山
夜雨登臨啓笑顏
遠客不辭千日醉
故人偏向隔溪還
寒雲斷鴈聲先度
野嶼孤梅花自班
聞說澹泉肯終老
紫芝紅藥未開關

過澈浦訪杞山給舍澹泉駕部阻雪陳氏宅三首

茶湖遙夜澈湖西
風雪離披失路蹊
杞山老舊山雲未
沒

泉郎高閣樹應迷孤舟短酌雞聲早澹月殘蘆鴈影低
曉起尋蹤問行色不妨拂石漫留題

路入青通生暮煙孤帆旅客寄行羶不緣風雪來天末
曾得雲霞落座前酒醉漫乘王子興月明還上剡溪船
盈盈一水遙相望千里懷人更惘然

大風墮浪君莫行大雪迷人山更明隔岸漁舟不得渡
半江詩夢應難成已訝洞門啼鳥盡轉愁林麓寒雲平
高齋灑落卧知己何日相看終此情

北村張曹長偕予謁鳳山翁因以惜別

當國元臣歸鳳老生平知己見張郎聯舟問訊春風動

別渚分携江路長
尊酒且憐遲日暮
燭花還伴過林塘
明良百代占殊遇
更許同心署有光

龍駒篇吊小山秦子

秋風此日嘆龍駒
汗血當年驥不如
百寶粧成燕市重
千金價就冀群虛
倏然鶴馭辭仙仗
爲解塵纓謁帝居
神物未應歸化盡
還看蹀躞下階除

風雪渡江簡謝宋仰山侍御

長風吹雪過江臯
江上寒聲急暮潮
咲指金山廻玉樹
即看瓜埠度丹霄
帆檣搖落鄉心遠
牙角光芒氛氣消
喜有故人持繡斧
不煩戎備坐相邀

明海吟爲定齋王中丞賦

昨遊明海望靈山
山外浮雲盡日閒
千歲桃花春不老
孤飛黃鶴夜常還
何人坐見安期子
此日相邀天路間
更歷丹丘與玄石
好尋仙藥鑄童顏

春日呂梁蔣子東瀾過舟招飲

長風初日石梁斜
草色新年上軟沙
仙珮光隨滄水使
酒帘青見野人家
登臨不厭招提遠
悵望應憐驛路賒
猶說當年同躍馬
曲江楊柳暗成衙

元夕西林劉部長張讌沙河驛

銀釭小揭玉繩低
客底良宵望不迷
水部風檣花競發

驛亭煙樹鳥驚棲
歌深亭曲淹尊酒
報急更籌亂鼓聲
回首湖山天外市
萬家燈火爛雲齊

過濟上飲君子軒

君子軒前春日光
竹枝蓮葉相芬芳
紅香露立楚雲濕
翠珮風稍湘水長
蹊路初逢足笑語
美人此別遥相望
何時得共天涯遠
夜雨琴尊開草堂

鄒九峰遠棹詩舫夜過用韻

滄浪一曲杳難忘
北路三江去轉長
短髮蕭疎憐月白
孤帆颺曳信風翔
沙鷗出水衣裳濕
野鳥經春花蕊香
客裏逢君重相賞
詩篇應識舊山堂

瑞巖張邑博晉登州夜過疊前韻

何處鄉山意未忘月明千里夢魂長
西湖好雨花爭發北路寒雲鶴共翔
海上樓臺看不盡春來芹藻目生香
九峯相見亦相惜筆落風煙空草堂

三月念二日對酒感懷

雨過沙頽春草生春風日日換春情
桃花落去渾流水布谷年來勸早畊
物態韶光愁易擲青尊華髮恨難平
好尋舊約開新社莫向波濤侈姓名

送平埜張戶部權吳門關

秋風淮海漫論情春草漳江復送行
和靜祠高雲欲澍

姑蘇臺古月無聲黃金不改千年色白壁還看此日盟
把酒問花君記取更於何地說平生

送台峰李倉部還京三首

漳河之潯雙蘭橈赤日黃塵悲市朝緩頰三更月黯黯
分杯四月風蕭蕭江頭碧草望不極谷口流嚶空見搖
回首故人肯憶我晚來詩夢坐相邀

風淨泉亭暑氣清雨餘芳草怯愁生秋枰一局尊前別
走遂數聲江上橫楚客自憐千里月燕山遙傍五雲城
青葱楊柳垂垂見何得長條繫短情

白水蒼煙浮野洲草堂嘉樹獨淹留天涯坐見長庚窟

濟上遥看太白樓感慨風花星鬢曉瞻依宮禁王京秋
長安底似閑情極乘興何年問遠遊

閩泉川張南溟張夏山三憲副賀萬壽用韻

十年藻思窺青瑣一道風聲樹柏臺棹發錢唐花外雨
咲回漳潯月中杯天開玉宇長庚見露浥銀鬕上寵來
知子有懷金鏡語好看宣召出蓬萊

聖皇迪壽同堪輿臺臣嚴晨朝太虛十日驅車此京國
千秋獻頌今唐書紅雲冉冉望不極涼月蒼蒼憐索居
玄鶴長風更憶我頻年出署云何如

武夷山遠雲常白閩闔天高日正中香霧氤氳瞻紫極

長庚隱約動青宮中朝不惜殊恩寵方國從看此會同
之子金華有仙學鳳池留取訊玄風

二峯周節推泉館話舊兼簡洛原白祠部

十年同棹曲江舟泉館逢君說舊遊
孟瀆雪深疲馬恨潞河風折斷帆愁
推評喜見南州蹟獻納應紆北國憂
爲憶洛原勞問訊天涯何日共登樓

立齋錢刑部署留都

越上故人移白下泉亭隱約見神京
平刑終古推張釋作賦當年說禰衡
露浥長河仙舸動風閒短笛客心驚
相逢莫惜深杯酌明日江頭春草生

壽栢泉沈翁因簡少泉大行歸省

清秋月色淨簾櫳玉節金函出禁中
馬首太行雲不沒花枝韋曲酒常紅
烏紗入感瞻宸極白髮當歌識社翁
我亦思親寄瑤草憑君千里賞心同

壽阜川尊翁劉封丈和蓉川齊憲伯韻二首

聖德通玄開少海前星啓彩結佳闌
九天露浥河山潤萬國風酣草木肥
大老喜從新命服長庚偏照此恩輝
黃花綠酒人常共烏帽髭鬚意不違

清泉今見老萊衣歌舞筵開啓壽闌
節後尚花黃菊瘦山中無藥紫芝肥
北溟水擊秋先漲南極天高夜有輝

我獨瞻親千里外六橋煙樹漫相違

癸巳重陽登大寧閣用壬辰登高韻

九日登樓望遠峰遠峰迢迢白雲從空江水落黃花瘦
絕塞天高雁影重對酒百年渾浪迹放歌何處亦仙蹤
湖南杖履人常健千里秋風憶短筇

送羅溪王大夫還朝

春風吹暖喜從兄秋月生華兄復行衛水無愁流不斷
燕臺長望夢還驚明霞翠柏有真味白壁黃金深此盟
更荷九天新雨露一官同拜大夫榮

丹鳳樓頭曉日升宏渠郭外晚雲平一封初下青宮詔

萬里應酬鳥鳥情
寶婺光芒齊北斗
彩衣朝夕想南征
春風楊柳年年綠
他日相看花轉明

衛水灘頭放客船
初冬風日倍淒然
庭前芳樹更新綠
堦下黃花散小圓
千里分枝同悵望
明朝別酒重留連
相期立馬天王地
回首清塵覲紫煙

虛窓陳中丞自雁門歸爲賦高雁篇惠雙鶴再賦
玄鶴篇俱來韻

清秋高雁下平田
塞北關西憶舊年
千里雲霞看健翮
一番冰雪度遙天
黃龍城下園先破
玄武陂中機可憐
月白沙明還自舉
汀花江草倍生妍

玄鶴冲霄意未休偶來泉館一淹留風塵瘦影聲同遠
湖海閒心病已瘳媿我敢從緱氏約思君獨上漢陽樓
三山回首多仙侶萬里須乘汗漫遊

元日葦齋觀梅

羅浮山下貯冰魂姑射仙人別有村萬里東風臨盡我
一天香霧伴黃昏紅粧點綴闌干曲素影低回醖酒尊
切莫樓頭弄羌笛好看春色滿乾坤

遊春書院讌集

風雷堂上沸笙簧童冠遙聯劍珮行座狎魚龍堪共戲
春催桃李倍生香青陽喜結千門綵玄雪還占萬國祥

物阜才賢獻 明主不妨暫醉翠圍場

十五夜石汀王侍御張讌演武臺觀火戲

清泉官渡逢元夕鼓吹平臺坐月華頃刻仙葩零碧落
三千火騎掣金蛇天開霹靂聲初下煙鎖浮圖影轉賒
塵世百年俱幻忽玄機此夜漫誇遮

十六夜讌東庄金憲使宅觀燈過大寧寺

思家散步通宵月卜歲常占此夜燈萬里清輝同讌賞
六街香霧半霄騰調轡初罷鈞天曲法鼓還參最上乘
風爭更闌高閣望寶花搖落露光凝

夜讌賞瑞香和劉雙泉地卿韻

百指花開千日香東風兩樹月明堂
臘脂淡抹春深面
蘭麝旋添夜半粧錦瑟聲希迷楚望
霓裳曲盡怨瀟湘
美人音別江南遠尊酒今宵北路長

別劉阜川倉部因以感懷

余歲前轉易職正郎奉命查理縣務不得行故云

臘日梅梢傳信息春深猶自抱寒香
即看燕子來新社
又見東風別草堂客裡送行饒
淒淚天涯懷舊轉淒涼
漳江衛水雲難住回首昭陽依日光

君恩寧養爲石汀王侍御題

三年勅史吳山遠千里思親衛水長
短疏幾陳紅日下
高樓頻望白雲旁歸來鳥鳥情方浹
老去萱花開更香

風靜簾閒春正好不煩宣召出明光

試易水諸坐平清心堂雨後見志

清心堂上洗心時洗去新埃覩故知檻外紅酣香入座
雨餘陰老綠臨墀五經日月天常淨萬里風雲會未遲
珍重諸賢各努力荃蹄何足繫長思

三試思及清泉諸友

我來易水不一月三試諸生皆轂中翻思東郡有奇氣
忽訝燕山多古風珠璣腹內夜發彩造化筆底天無功
即看挾策獻天子誰復金臺萬首同

餞繫舟王曹長于易城之惠泉樓

交承喜接王文度長夏分携短劔催把袂且聽松子雨
投壺拚醉藕花杯不彈千古荊卿淚須惜當年郭隗才
同上西樓望東渡黃塵白草蔓荒臺

夢拜母氏墓覺而賦此中有夢中語

山館良宵遊子淚夢魂千里洒松楸飛飛野鶴尋常度
咽咽明泉不斷流月色可憐依枕畔雞聲偏恨到床頭
覺來極目天南路北國風寒易水秋

山齋記夢有作

昨夜夢占男子祥纍纍膝下漫分行秋來月滿珠生彩
谷口春深蘭發香積德百年知有地思親千里報難忘

斯千兆此卿須記他日相看金鳳皇

飲五華臺間訊黃潭駕部時事有感

落日輝輝煙靄光秋風倏忽吹羅裳臺高隱見黃龍窟
酒盡驚談石虎岡伏闕先朝誰涕淚按荒何地更禁
當相期好共南山下雨過春深芝草香

七夕坐雨有懷二首

風雨山亭乞巧時天孫舊恨繫新思金閨未稅河陰駕
玉筯先垂漢曲卮瓜果何緣深繾綣妻孥聊復拜庭墀
收回鍼線從吾拙明日明年會有期

四十二年當此夕桑弧蓬矢記吾生而今華髮星霜駭

何處慈烏感慨并許國一身輕若寄思家千里夢還驚
巡簷索共兒曹語不問山城風雨聲

荆軻山

曉日登臨思往昔秋風鼓角動悲傷秦讐未報荆卿死
燕恨空隨易水長天際黃雲迷遠塞尊前寶瑟下長廊
故山草木猶生色擊劒當年意不忘

錢獻齋紀倉部還京

野寺秋風尊酒過晚雲飛處醉顏酡燕關萬里軍儲重
易水當年感慨多送子河梁瞻去馬還朝恩寵度鵝
珂驚寒鴈陣來山谷不惜音書慰薜蘿

四柳臺中秋翫月用馮西屏司空韻

待月河陰星女寒香分半臂未銷殘秋心渡莫牽仙袂
夜色翻宜照法冠忽有銀蟾隨地起喜同玄鶴傍雲看
燕臺剩有瑤華什絕勝秦樓雜珮珊

見月倒上韻

雲裾霞珮聲珊珊入河搗藥時相看嫦娥不寐向丹闕
白髮無愁空皂冠故園叢桂秋且老客路酒杯宵未殘
小壇勝事爲誰紀他日重來黃菊寒

十六夜開尊更酌奉答西屏用前韻

瓊樓何處倍高寒萬丈靈光曉未殘移席亭陰仍對酒

放歌天外尚彈冠
昨宵勝賞中秋月
一夕難同別樣看
四柳主人能愛客
七松野客任闌珊

西山舊有約
各以公務弗可偕
抵祈溝道中遇沙洲爰止公所以僕曰石二首

一鞭官騎颺晴沙
路出燕臺無狹斜
天上爾書瞻日月
風前旗幟颺龍蛇
不緣採訪供玉國
曾得尋遊翫物華
忽報西來徐給事
秋鴻何處曳明霞

青山有約晴多興
瑶草無愁秋更繁
隔水芙蓉渾自醉
趁人鷗鳥漫相喧
驚傳冠蓋呵前隊
不負登臨駐小軒
明日白雲深處路
三星光近紫微垣

曉行

煙霞擬結遠公社山水應嗤中散遊
露下草根沙磧曉月明樹杪塞垣秋
怯寒不惜征衫薄得句還憑浪眼酬
何日請留雙玉鳥好從青海問丹丘

白石塘候白石不至

白石山人來不來
路逢白石山均開
青霄有約鶴欲下
錦樹無風秋自哀
花鳥江頭昔汝共
松蘿谷口今誰猜
停雲挂節一騁望
芝駕遠登何處臺

長溝道中聞白石至志喜

長溝停驂張午炊
風塵拂面悲路岐
報道故人出谷口

身居高蓋來天涯張華自信雙龍劍韓愈驚鏡二鳥詩
莫把閒情盡詞賦百年青鬢易成絲

雲卧山房賦古松分韻得雲字

月下登臺夜未分蒼松屹立迥難群秋聲忽捲千山雨
月色遙連萬壑雲喜有高賢叨共賞可無詩句漫相聞
春花搖落知多少羨爾昂藏出世紛

偕白石遊西山和衡山入山韻

寒花小草掩閑情路入西石眼界明翠壁丹厓千障合
倉曹水部兩難并官閑暫得煙霞味心遠遙聞鐘鼓聲
五日駢駢出城郭攀林踏閣夢中行

出弘光寺

寶峰睡起瞋欲曙下榻束帶天暉暉青牛白馬去復返
盡省仙郎遊未歸落盡曇花天路濕劫來芝草秋風肥
出寺拂袖覺洒脫簪笏淹我山中薇

功德寺

望入西崑紫氣生宣王曾駐六龍旌松檟高盖和煙
濕澗曳長虹入漢明錦簇莊嚴遺寢在天開宮殿
階平可憐輦路繁秋草愁絕維摩鍾磬聲

冲陵謁感

彤埤雲鎖石龍床綺襲琅函紺殿香聖主有恩生海

字小臣無計啓泉堂可憐靈寵歸天上謾說春秋入夜
長一日風光百年事此身猶幸托君王

香山寺再和衡山韻因簡宗林僧二首

翠微欲上晚煙迷委珮長裾手自提鳥去隔林驚塔梵
龍歸別壑怯山梯雲牙故向中天出石罅旋窺下界低
老衲無緣詩句在臨風相對爲留題

香爐峰尖嶺夜啼客子秋風思故衣薜蘿倒掛鶴一下
洞石低垂雲未歸最愛湯休多麗藻翻憐惠遠得皈依
袈裟錫杖隨緣結越嶠吳山空蕨微

下山

踏遍蒼苔下翠微。星槎雲帔款朝衣。千盤壑控金銀氣。
十日心忘魚鳥機。清禁袞龍天闕迥。高秋車馬塞垣肥。
歸途指點煙霞跡。落日晴窓興不違。

歸途謝別白石因簡沙洲

與君忽作西山遊。西山十日遊未休。長雲不斷紅塵夢。
暖日遙憐碧樹秋。谷口泉聲撩去珮。山陰月色下扁舟。
徘徊歸路翻多興。謾說當年王子猷。

九日偕北盤登黃金臺賞菊限韻二首

昨夜秋風生怒濤。今朝曙色上征袍。燕臺喜共黃花老。
杜曲誰憐詩思豪。破暝平林雙鳥度。驚寒高鴈亂雲搔。

身居言進第之十
一
茱萸早解昇仙術那復千金幸所遭

燕城吊古

召公辟國四十里易水長城舊有名繁華過眼總塵土
今古傷心誰世情漠漠平沙天際闊依依衰草隴頭橫
當年風氣可蹤跡黃霧紫煙朝暮生

菊

我愛黃金臺上菊高枝密葉涼雲翻風來隱約環珮軟
露下點綴珠璣繁恠底春花苦爛熳好從老圃祛塵煩
閒心若箇陶靖節把翫年年秋日暄

臺上沈村張水部偶至共候徐沙洲憲副有懷

黃金臺上晚煙斜坐起還看黃菊花蝶翅蜂香撩客思
溪雲山月自年華高人欲下南州榻仙使剛旋漢水槎
此日風前頻悵望閒情何處泛流霞

白石晚過論文約候鴻山館長和來韻二首

趙客軒車來遠道燕山杯酒向中宵十年彩筆俱文藻
萬斛明珠未寂寥館閣音書鴻鴈近天涯風露夢魂遙
翻憐立馬看涼月錯認啼雞報早朝

暖風妬雪涵晴渚蒼佩和煙度野宵西瀼即今陪笑語
南華何處覓叅寥山中習靜機心息谷口回春雲路遙
矯首玉龍翔紫極羨君金馬駐清朝

次南河徐侍御西巡韻

九關梯棧相勾連，繡衣驄馬行三邊。
戍鼓秋防塞塵遠，胡笳夜急河水堅。
即看漠北苑白草，回首燕南生紫煙。
露冕經過尊酒共，星華搖落高雲天。

次白石西巡韻至前二日也

君回關塞衝寒雪，我拾瑤華散曉煙。
萬里江山開朔漠，百年夷夏共雲天。
蔑灰得氣迎先至，官線含情結後緣。
何日相期同躍馬，春來啼鳥落花前。

至日東譙燕集白石北盤沙洲三子

山城至日共登樓，指點蒼髯晚更幽。
地底龍蛇欣欲蟄，

天涯鳥雀喜相求，梅魂入夢偷春信。
雁字驚寒寄遠愁，遮莫尊前紀雲物。
年來萬寶賀全收。

至後燕興國寺再侍三君子即事

山中靜僻偏多興，至後從容數舉杯。
絳節喜傳先臘信，緋袍故向曙光開。
龍搏高蓋空禪影，虎視中原惜漢才。
千古英雄遺像在，月明常照雨花臺。

上列閑雲長諸像故云

孫氏園題竹

秋來看竹開三迳，冬至分杯還一釐。
月影當筵金瑣碎，露華布葉玉玲瓏。
寒心苦節冰霜慣，清吹閒雲笑語同。
回首春風思鄭谷，鷓鴣聲裏萬花紅。

至後燕集王北盤乘龍軒

九天月射城南雪萬里陽回逸少家
晉代風流淹散帙燕山簫鼓急催花
飲連河朔春心淺笑浹冠裳夜影斜
不去林陰飛鳥雀即看谷口迸龍蛇

梅鼎郊曹長索題先子憶蘭卷

何處秋風蘭發香姑蘇千里接瀟湘
江頭翠佩真堪紉谷口朱絃祗自傷
水殿夢回人涕淚青衫愁絕月蒼涼
叢芳地下無消息蕙葉階前多寵光

送潘溪范叅藩之北盤山庄分韻得臯字

遠客驅車朝帝闕寒汀汲水試仙毫
簾虛初日穿蒼

寶歸曠涼颺掠絳袍驛路琴尊歌吹簇春城環珮夢雲
搔燕山野鶴遙相憶何日蜚聲出九臯

潘春谷奉

命歸娶王恭襄孫兼省太夫人用韻

早辭丹鳳承明旨夕駕蒼虬出帝居上谷洞簫聊
去仕汾陽錦瑟重躊躇王孫坐月憐司馬潘岳乘春奉
板輿宇宙百年占比翼雲霄萬里盼雙魚

爲肖山崔給事先君雙挽

榆次縣前花滿林蠡吾門外柳成陰百年遺愛羊侯碣
兩地聲華宓子琴鶴馭焚馳青瑣近龍章心慰夜臺
深蕭蕭慈竹憐寒雪宰樹風號恨不禁

除日日下見雪

春到山城歲未除
曉風吹雪漫蕭疎
晶晶佇目花難款
脉脉沾衣絮不如
萬國朝元饒劔珮
九農卜穀自犁鋤
徘徊立馬臨丹壑
頃刻高天平翠渠

乙未山城朝元

六年使節迎新歲
兩地朝元作上賓
惟底東風淹水部
脩然玉珮動香塵
紅雲隱見官前柳
白雪平裁臘底春
獸舞即看占嶽牧
蒿呼何以覲楓宸

和白石元日雪霽試筆

臘去春從雪後歸
崖煙村溜帶晴輝
霞當樹苑千花發

風墮簾疑雙燕飛
占入新年聊畫省
夢回南國尚柴扉
同遊且拾瑤華句
載酒還歌金縷衣

二月二日尋源侯白石不至

煙花催旆度平林
爲問真源特地尋
石罅初分蒼玉竅
溪頭漸合白雲陰
香芹拂漱衝寒發
野蕨乘春出水深
遲客不來尊酒共
浴鳬飛鷺倍關心

荆軻山吹簫

晚吹空山羌笛清
一腔一拍總含情
愁中楊柳驚初發
落去梅花怨更生
易水歌終元有淚
秦庭圖畫浪無成
當杯莫爲荆卿惜
贏得千年壯士名

興國寺看花得成都報

桼寺山花春後繁一叢蜂蝶過相喧紅遲眼底愁風雨
綠亞枝頭空酒尊剩有高賢歡入夜驚傳別語漫銷魂
何當爲卜林塘遠萬里還看江草痕

問花

雨過園林花未落枝枝葉葉故鮮新江頭此去春心老
上谷年來笑口頻芳草西湖驚別夢綠窓啼鳥怨歸人
合歡可柰雙蝴蝶幾處尋香遠更親

白石館中賞碧桃

官閣春深花事稀碧桃兩樹更輝輝誰誇露種來天上

自信風神千化機紅藥隔階留爛熳朱欄對雨鬪芳菲
錦江太守情偏劇盡省仙郎意不違

孫園流觴

春日春臺花發紅枝枝媚媚倦東風摘來水曲香翻細
流過清渠色不同笑逐羽觴飛自穩歌迴金縷調誰工
蘭亭魚鳥依然舊晉代風流今轉蓬

春暮見白牡丹有感

魏紫姚黃俱寂寞一枝傾國雪同看玉顏不識東風晚
香骨翻追白帝歡冉冉流雲迷谷口垂垂帶雨泣闌干
昭陽莫訝遲恩寵猶勝芙蓉霜後寒

紫荆關和桐溪司馬韻

立馬高看紫塞奇
河山東下斷西陲
漠南遠去三千里
關外還屯百萬師
風掣斗門閑鼓角
天開石棧閃旌旗
地形國勢真全勝
須仗忠良計不危

登城

塞外城臯朝日陰
荒煙殘靄此登臨
山依漢壘翻高下
水抱燕關自古今
萬里黃沙迷白草
中原紫氣滿平林
將軍坐鎮無他事
牙纛銅鞮勸酒深

真武廟登眺過太寧寺

天畔玄宮扃石林
宮前綠樹曉陰陰
旗懸斗極寒西北

劍截妖魔殿古今沙白草青春望迥落花啼鳥塞垣深
尋遊暫此煙霞會柱杖扶吾仍遠岑

入寺

東風吹老木蘭堂野外尋真歷上方翠壁丹厓春入畫
山椒攔藥晚生香禪心早向空門得愁緒那從詩思長
便欲分杯話終夕不妨下榻卧斜陽

乘雨登太行絕頂

珠宮寶塔入雲平客子耽幽特地行白幘西來沾法雨
青牛東去撇愁城繩橋駕海危能度鐵鎖牽風幻未成
步屨與君傳勝跡投簪何地說長生

立夏下山

南客北遊春興遠，忽驚春去獨茫然。不因花落愁蜂蝶，
番訝尊開咽管絃。天際白雲仍莽莽，雨餘翠竹自娟娟。
衝泥踏過山頭路，何日重來信有緣。

謝別白石

山深慣見楚棠花，細柳牽風客路斜。雨惡前溪聲不斷，
月明千里夢還賒。松堂舊草開新壘，江閣春雲滯晚霞。
極目傷神渾自醉，酒杯羞澁共天涯。

謝別北盤

人生聚散良不偶，百歲光陰幾度歡。醉憶湖心孤嶼遠，

笑回谷口萬峰寒多君夜月耽詩句媿我春風倦羽翰
錦水何緣歌出牧燕臺那復共彈冠

玉華高倉部招飲雲龍山和鵲湖陳水部韻

雲龍山傍石瀾開客裏登攀正舉杯萬里塵靈橫日下
滿江風浪拍天來鴉喧短羽接淮浦鶴引長吭過楚臺
搖落亭陰不成賞黃沙白草自徘徊

飲吳門道山亭題春波沈子卷

水漲溪橋迎短檝草平江渚訝先秋蛟龍隱約驚常霧
風雨頻仍咽不流隔浦簫聲還斷續當軒月影自沉浮
山亭坐酒渾多興何日相看瀛海頭

常山白龍洞和王筆峰韻因簡守嘿秦少尹

懶性常便麋鹿群
長途萬里困塵氛
夜行漁浦日出海
曉發蘭陰江吐雲
入蜀未緣窺漢相
出關早已愧終軍
白龍洞口分杯酌
隱隱風煙含夕暉

九日龍津道中遇少泉李參藩分韻得陽字

客底逢君發興長
短籬修竹坐重陽
尊前喜會雙龍劍
江上愁看萬里航
風淨淮濱思舊雨
月明巫峽試新粧
徘徊岐路翻多恨
何日重開黃菊觴

飲滕王閣和少泉分韻簡謝張南溟憲長

客路喜看江上峰
江頭還喜覩人龍
三湘鴈字霜前落

九日黃花節後逢高閣可憐明月共鄉山其柰白雲重
曹郎爲郡按西蜀南浦先尋秋水蹤

飲龍江徐臨江一鏡堂話舊

堂涵粧鏡淨秋陂檻拂芙蓉花更奇萬里雲霄酬壯志
他鄉尊酒話深知清江夜發迴旌仗蜀道天連失路岐
爲說當年尋舊約湖山何日是襟期

龍江過淮時有歸隱之約故云

宣風館次陽明公韻有感

雨過溪添秋水痕溪頭水足未全渾一尊旅館新生慨
百折寒流曲抱村指點賢豪回白首漫留筆札伴黃昏
浮雲孤月成真幻碧海丹丘乞壯魂

昌山道中即事

分宜灘險亂石出昌山道遠行人愁奔流日夕遶虎豹
弱舸往來輕鷗鷗攢轡渡頭急不發振衣谷口仍淹留
浮名役役苦孟浪高鳥飛飛安所求

宜春臺簡李守嘿

短劍長風迷楚望煖雲晴日媚高原春宜臺榭燕雙語
路轉松蘿花更繁遠道羈人紆赤帟間情太守賁朱幡
登臨莫訝傷多酒折簡何當禮數煩

時雨堂海樓李長沙話舊

天末喜逢吾海樓湘南潭北正清秋雲山迢遞生新感

淮海追陪思舊遊已訝格天三日雨還籌弭盜百年謀
君應早晚歸臺省勗我非才萬里投

曉出龍陽志感

龍陽郭外千頃平昔年苦澇今苦晴揭來白草蔓不死
惟底黃蘆春自生日高其柰鳥語亂風淨况復煙波驚
臨流長望一灑涕不緣萬里愁人行

夜發

嚴程遄發武陵源風旆星幢迤小軒曙色乍開煙火亂
蹄痕襍露華繁九溪穩下衡陽鴈五夜愁聽峽口猿
路入山坳轉迢遞大龍亭子憇朝暄

豐陽道上見菊因簡竹厓金伯齡

的的黃花開路岐沙頽草白謾相欺
香風不斷憐應汝露眼如啼訴欲誰
此日折來人共遠隔離看去蝶先知
高天秋色還多興烏帽豔貌有所思

姜女貞烈祠和存菴李中丞韻

貞魂烈石心全赤血淚成泉眼不枯
羞見奸雄臣異主好同厲鬼殺強胡
亡秦自短長城在正氣翻憐此輩扶
誰說孤忠同朽腐千年尸祝是亨衢

獨醒堂吊三閭大夫和王陽明公韻

風雨三江煙霧昏偶來堂下奠清尊
獨醒不解疇人醉

孤憤難忘報主恩一自紫蘭紉楚佩若爲錦瑟吊湘魂
于今祠廟遺形在灑向緋袍空淚痕

荆南簡謝王紫舟虞部

十年夢繞楚江濤此日荆南萬里心數問成都勞駕從
高從水部得追尋仲宣詞賦樓何在子美羈棲愁轉深
我欲持杯酌明月清歌盡省一沾襟

楊后江硤州飲別忠孝祠馳宿桃花塢簡謝

把酒江臯朝日瞰驅車山館已黃昏一行旌旆千峰月
五夜星霜萬里魂蟋蟀向人悲自語桃花隔水笑誰論
多君愛客煩供給躑躅行厨經遠村

桃花館夜度望州山有感東涯選部

夜發狼崑霜露清千盤萬折困榛荆平雲笑拾星河影
極浦愁聞灘瀨聲疲馬那堪經遠道故人何以示平衡
望州亭上看黃菊綠酒青山不世情

鑽天嶺下山書白沙亭子

凌絕千崑生紫氣雄飛八翼上青霄夢魂不道中天迥
身世分明下界遙滿地白蘋渾自老隔林紅葉向人撩
亭陰坐憶登山興隱隱時聞鸞鳳簫

巫山

巫峽天高雲霧屯陽臺路杳雨傾盆山川靈氣自棲托

詞客風流多夢魂石認支機傳七夕花迎流水說桃源
何當反却高唐賦爲洗千年神女冤

登瞿門關和張兵憲原明韻

岷峨山遠接天來巫峽江深滌瀨哀萬里舟航愁目下
重關樓閣倚雲開青楓白菊心方遠蜀道吳門首重回
欲寄平安雙鴈足詩篇不惜向風裁

雨夕下蟠龍山寫懷

昏黑蟠龍山下路懸厓天磴眇愁予已驚山鬼向人泣
更怯寒雲牽雨居蜀道三更魂夢斷秋風萬里髮毛疎
宦滋世味多無賴何日南屏小結廬

元日謁四公廟用儼山翁登樓韻

祥煙瑞靄漾春晴萬壽天高矚大明
柏葉杯深驚過眼梅花香煖自含情
冰霜不負同心約巴蜀新開泰宇清
立馬亭陰遺事在當年風動錦官城

元夕後德陽殿下來崔樓張燈開燕和函山憲長
韻

昨報銅龍入夜催今看寶樹尚雲開
王孫第宅春常主元夕風光花滿臺
杜曲遠乘工部興梁園真羨賈生才
鳳簫一奏心同醉鶴馭三更駕未回

時南厓信菴二國史同燕後聯及之

別駝山張別駕北上改官

錦水春風花滿韉一鞭行色溯秦川
皇都此去林鶯老
少府新銓官草鮮
萬里音書應悵望
何時尊酒更留連
追思燕寢論心日
不負冰霜覓句年

謁漢相祠修復昭烈陵寢志感

翠華雲鎖錦城隄
此日瞻心感舊時
王業正傳炎漢統
中原誰復杜陵悲
龍歸埜水猶風雨
鶴去空山失羽儀
八陣圖開見籌策
忠誠千古帝王師

別西崑見貽山茶谷蘭復有草堂之約寄謝

雪風吹老茶花蕊
春日烘開蘭葉香
嘉樹遠依南國夢
鼓芳新試楚沅粧
同心翠帶愁難綰
對酒青衫濕不妨

珍重故人勤問遺交歡何日醉林塘

東軒餞白厓周司農過白下因簡冲谷陳封部

韻

春雨海棠花滿枝紅酣坐對夜深時東皇著意憐桃葉
南客多愁牽柳絲棹發三巴瞻日遠鴈回七澤寧雲遲
金臺明月應如舊送子平臨有所思

餞鄭友崑西寧趙龍謨儀制限韻

東風吹煥度晴幢天上金函下錦江萬里龍蛟新閃閃
五雲鷁鳳故雙雙草堂花雨尋常過藝苑才名未易降
極浦分杯愁玉筵落梅折柳不同腔

過迪菴楊子再訂昭覺之約

十年驚見子雲才
花老長安兩度開
難字早從中秘識
玄經真傍後天裁
墨池雨過多新草
樗杜春來足舊醅
與子有懷登覺岸
相期不惜醉深杯

浣溪尋花以下四首李溪村道長對酒之作

溪頭幾樹刺薔花
小白輕紅罨淺沙
老去春心渾爛熳
笑回露眼半誇遮
一尊坐對憐蜂蝶
上客尋遊亂鼓笳
路入林塘轉相匝
枝枝葉葉倍堪嗟

金臺醉竹

萬竹陰森一逕深
紫金臺迥費幽尋
不參黃白飛仙術
曾得空虛太古心
月下離披玄鶴舞
風來隱約高龍吟

百花潭主溪村客坐石拂雲開素琴

移尊草堂

春歸屯崦山花落雨過林塘江燕來杜老征魂憑句得
草堂高韻向風裁孤忠萬里瞻宸幄獨樹中宵嘆草
萊日夕放船猶自好移尊不惜傍莓苔

尋春錦水

蒼杉翠篠曳晴川川上飛花落酒前恠底浮名拚共醉
年來春興故依然瑤林遮莫啼黃鶯錦瑟云何怨杜鵑
欲托雲箋寄幽抱不堪彩筆附高賢

問訊白石連侍御按秦

紫雲不斷輝春駕丹鳳新嘶報曉鐘國是早持周柱史
君才元重漢司農即有鴻鵠鶩高翅爲問豺狼失遠蹤
蜀道秦川俱萬里相將何日話相從

錢大學士託齋翁祇命北上三章

椿庭曉徹問安回帝闕天高望眼開白髮已償遊子
恨清朝應重相臣才乾坤日月孤忠在閣道風煙萬里
催昨夜臺官占斗分微垣紫氣騰三台

西郭紅蕖雨後香南園修竹翠生涼十年坐晚耽鷓鴣
萬里乘春翼鳳皇華蓋近承天露重雲和元藉玉音長
歸依此日尋玄度丹石亭陰一舉觴

燕臺北去 神京遠蜀道西馳天路賒 關下麻宣新
制草 陛前袍簇舊官花 晁旒色動山河影海宇春
回百萬家 魏我非才守西土不妨留滯見勲華

移尊青羊速五石李侍御北上用韻

簪筆明光天露香養丹玄圃竹風涼 謁來錦水傳綸綺
夢入朝陽思鳳皇 健翮秋雲看共遠閑情夏日祇須長
閱頭谷口時相問坐對青牛笑舉觴

青羊坐雨偕王南岡僚長晚過草堂放舟簡五石

待御

郊垞昨夜報新秋一雨朝來暑氣收 蒼谷搏雲雙塞下

玄臺野日九龍浮林塘指點花潭上杜老分明江水頭
只尺相看得不得渡清尊華月爲遲留

崔池叅戎鎮水寧和來韻

刀斗秋風鳴鐵衣將軍何必嘆離遠龍高萬里銷金甲
赤水三關扃石扉諸葛已傳清廟畧嫖姚誰數漢兵機
帝王道在今全勝文武才看世所稀

花潭相地築草堂得句

草堂東除池水深每垣薜徑繁秋陰即看卜築牕塵想
更許才賢盟素心寶刹三花迴日薄蒼杉半畝高雲侵
主人得地喜頗僻何日堂成愁費吟

八月十三日興梁

梅虹斗躋高天出華月秋分後夜交木落池塘憐舊草
風翻燕雀賀新巢林開地迥繁雲葉竹到春深長露稍
安得少陵詩夢醒一尊相對賦青郊

草堂分符

杜曲花深潭水香也應修竹陰新堂殷勤羨爾分秋雨
只尺移根傍女牆何日煙迷蒼鳳翼而林風合翠雲璫
少陵老去江南遠葉葉離披意更長

草堂存梅

紅梅昔共推川蜀綠萼今還見草堂鐵幹卧雲渾偃蹇

虬枝醉月半昏黃
冰霜那更孤根得
笑語偏憐兩樹香
留却少陵風格在
好移新竹過林塘

草堂觀梅

春滿江頭臘未殘
草堂詩夢倍高寒
梅花好趁東風軟
白雪應知和者難
皎皎一簾深杜曲
輝輝兩樹倚闌干
折來欲寄天南路
萬里孤雲祇自嘆

中秋雨偕五石李道長集信菴國史宅

雲霄萬里盼婵娟
風雨三更醉不眠
玄圃香分金粟重
龍宮光貯寶珠圓
人來海上傳星石
酒到江頭問謫仙
忽聽南枝飛夜鵲
不妨延賞故年年

維三谷擢叅河洛因念泉兄

昔三谷言時政得旨云即邵某之說故云

十年青瑣才名重此日丹墀法駕高
草奏應憐臣節苦題封真訝聖心勞
江鄉斷梗悲鴻鴈野水平蕪刷羽毛
喜見君侯雄萬里我兄那惜老林臯

簡屋山高副憲結窩綿江和來韻

翠雲江上結行窩
瓦屋山頭長薜蘿
涼月好風隨去住
筆床茶竈任經過
上林花柳春前度
白髮年光鏡裡摩
千古巢由能避世
塵心寂歷道心多

九日飲右史信菴看菊

杜陵風高玉山遠
梁園秋老黃花繁
米霜抱節苦不改

詞賦落英香可殮何當作客動詩興率爾登堂開酒尊
欲便思歸歸未得故鄉籬落祛愁煩

登中和門感懷

病起晚登城上樓煙光和日氣金樽一聲羗遂翻秋引
萬里邊心入夜愁漢業何煩荆楚地蜀江亦自帝王州
嶠函百二雄圖盡指點中原空白頭

冬仲十四日夜子初刻月食壇上有作

寒宵露立將星臺萬里陰雲慘未開玄度秒分當子夜
金精盪刮向中台明廷順治妖魔淨薄海諸番納款
來底事驪珠藏貝闕不妨蚌蛤漫生胎

霧雨登塞雲臺

朔風霏雨颺平臺煙鎖雲林濕不開太古有天還混沌
西川無地不蓬萊碑傳玉局文難解崔貯金丹夢未回
獨有梅花遞消息一枝香過短牆來

簡畬崔池叅戎來韻并謝牙笏之貽

兵叅赤水新開府草沒黃塵久息戈傳檄不煩春試馬
防胡猶自夜吹螺裁詩西下予心遠柱笏朝看君夢多
惟底梅花寒未發江頭欲寄柰渠何

登樓

西城樓閣度晴暄鼓吹屯聲散女垣高柳翠迷花欲亂

小桃紅褪葉初繁
風香入酒迴林薄
暝色侵衣襖
旃軒良會百年春
幾許明朝還約醉南軒

南園試馬

馬足風生春草香
一鞭南苑試新韁
畦田半拾金銀氣
桃李全鋪錦綉場
望去湖西天共遠
得來江上興難忘
春心喜赴尋春約
躍過前谿開酒腸

清明日愴懷

介子空傳寒食節
晴江愁見禁煙天
桃花亂點啼春淚
榆莢旋招沽酒錢
巴蜀獨憐投萬里
湖山翻恨入重泉
何如鳥鳥傷心切
常抱枝頭泣未眠

來崔樓觀蕙留別楊肅菴給舍

秋憐楚客三江雨春老梁園幾樹花
翠帶可能牽別緒青衫一自重王家
風來臭味心同遠節去芳香怨未涯
好向臺端看特地枝枝葉葉上雲沙

武靖總戎肅菴給舍封慶符王代西野公作

聖皇初下青宮詔蜀道旋瞻絳節旄
萬里銀潢分漢水九天金冊照星鑣
麒麟影動江光曉花柳春明杜曲豪
幕府杯深拚共醉不妨新月上林臯

飲別蕪山王敘州于紙坊水亭再訂翠屏山約

千古才名推逸少兼山此別更含情
酒從巴峽分陂閣

詩向岷峨逼漢清勝入蘭亭春藉草花飛曲水笑傳觥
昔游寥落今乘興何日相將看翠屏

九岡樊漢陽終養歸蜀燕太慈閣

硤江秋老憐芳草漢水春回長綠波邂逅天涯心獨許
夢魂鄉國意如何百年千里關情切一日三公笑口多
我亦思親歸未得樓頭拚醉爲君歌

東臺余道長牧吾錢唐別踰十年茲以嘉州刺越

過予飲于浣溪臨風索句停橈小簡用寄遐思
長風斜日泛清江急雨西來點客艘醉泊楳林閑自穩
詩催杜曲細難降故人喜報新朱紱萬里那堪濁酒缸

此去蘇公堤上路騷壇應識舊麾幢

壽楊瑞虹兵侍七十詩

海上新添壽幾籌河東舊識子雲流誰論白谷蒼江宴
笑綰長松野雀儔何日金丹還鼎竈一聲清吹度簫樓
不煩燈火三更路好伴煙霞萬里秋

賀信菴右史膺四品服飲瓊柏亭兼簡鉉鑑諸郎
古柏搏風夏日涼亭亭兩樹見冰霜高雲蔽護千年蓋
積雨濃滋滿院蒼根幹喜看春結子階庭從長玉生香
主人笑綰黃金帶接膝重開赤鳳祥

源曲

雨過花潭水檻深溪頭一曲杜陵陰
蘿牽絕壑雲依石竹覆荒塘風滿林
百丈影疑雙鷁下轆轤聲宛九龍吟
閒情佇立無歸着只尺岷峨萬里心

山丰篇思陸儼山司成和浣溪憲副韻二首

三峽新波下劒門五經舊轡動星旂
公從發解名元重帝出經筵道始尊
上相龍光還鼎鉉清朝崔馭豈塵煩
瞻心太室搖光切萬里常隨朝日暄

十年北館老司成天上聲華屬大名
桃李經春登聖治草茅何地托吾生
湖頭醉月心同遠峽口占風波始
平正好開琴調野崔還絃一曲度台衡

大益書院試士十歲馬逢伯與焉未故及之
百年道氣重三川此日篇章動四筵脫穎好看推國手
橫經誰試得心傳高天華蓋星初轉瀚海鯢鯨浪自便
更羨客卿風骨異濡毫落紙出雲煙

浣溪草堂對酒和儼山韻

小鳥春聲百不迷曲闌干盡見平谿堂開錦里延風日
地接花潭多品題慈竹影寒冰雪外散蘭香沁草塘西
主人習靜已成僻坐酒看雲憐故樓

八月七日風雨中入試院馬上作神魚篇

峽底神魚欲化難掀天風雨動江干掣開大塊蟠泥出

洗淨浮埃帶角翰他日蒼生疇入望百年灝氣此中留
漁師海若勤推挽伐鼓舉旗意未安

丁酉鹿鳴宴上即事

西蜀筵開選士場秋風羅綺倍生香憐渠桃李爭先發
老我門牆煞有光鼓瑟于今崇大雅嘉賓何以示周行
百年禮樂關心共萬里功名去路長

入覲留別江月亭

城頭鼓角動旌幢秋水西陂下客艘京國春明瞻聖
主江亭曉吹換新腔交游剩喜高賢並畫一真慙國士
雙月色和煙俱萬里清芬滿地憶三江

蘇祠展拜有感

望入峨眉開畫圖秋風池館見三蘇紅蓮一水香猶賸
古木千年節不枯忠義文章窺鳳虎門庭師友重魚鳧
雲山此日瞻心切萬里高堂真故吾

南澗楊中丞有足
紹三蘇之說因以

大峰况
家君云

日寄冠山夏地卿書有春草石闕之句偶足成之
爲說當年淮浦月一番照席一開顏晴江坐酒聯春草
穿夜敲詩扣石闕媿我遠從滄水別多君早向白雲還
遙遙峽口煩舟楫鶴夢猿聲不可攀

滌瀨堆

峽口籊風糾客艤驚看灑潁日衝撞當關虎豹書常昭
出水芙蓉秋可隻劒閣西連雄萬里瞿塘東下失三江
巴山蜀道真全勝砥柱龍門未易降

祀黃陵廟

聞說黃牛峽水惡我來斜日下輕橈瓣香小泊占神貺
萬里孤臣達聖朝秋老江枯灘骨出山空風淨漲痕
消即看隱約和雲物白馬青袍不可招

青陽山

十里青山青入畫松聲月色可能描商弦入手繁清嶺
皓彩當歌徹紫霄獨崔西飛風颯颯三星東下路迢迢

江鄉夢急瞻親舍天闕心懸謁帝朝

過宣城遭月崑王道長朝用話舊

十年驄馬湖西路踏遍蘇公堤上橋孤嶼香迷葛嶺雪
萬松影落浙江潮尋春喜共芒屨遠對酒相看麈尾消
此日雙鳬天外見月崑猶自問吹簫

夜發

夜發官程急使車星光林影散棲鴉白雲千里情偏切
紅日九天心轉賒疲馬蹄輕踏往路小橋水落遲流沙
平明步入符離集疊蓋重幃沾雨花

賀陸王洲監察守撫州

即看持斧振三川忽報除書下九天
聖主有懷西牧
重老臣暫寄北門便弦歌此去魚龍會
禾黍應憐鴻鴈
篇仰見君公秋月滿冰壺千里一輪懸

漢陽遭軋菴馬廵州論時事和馮三石韻

十年夜月淮濱別萬里春星漢水逢爭道白眉心已鐵
誰知乳口腹生鋒無天波浪魚蝦戰極浦舟航猿鳥從
笑語不終成市虎風塵何復困人龍

遊白鶴觀中溪題石且云得玄理故及之

白鶴僊人跨鶴來青蓮百丈青天開寰中玄竅眇如許
瀾裏丹砂日幾迴鼎竈何緣君獨解風塵那復客須猜

好當結社三峰下笑拾金先入酒杯

昭慶禪房與平川陸子話舊因簡五石侍御用韻
海南荔子日邊來湖上蘭若雨後開霄漢十年心共往
風波滿地咲應猜青藜天祿淹劉向白壁蒼江惜漢才
珍重臺章催上道遲回法駕且銜杯

己亥歲除書懷

十年除夜親邊夢此夜家園夢底親不分桃符勤送臘
翻憎爆竹巧迴春香花法供靈筵在金紫堂開涕淚新
強插一枝梅未放東風着意泥愁人

庚子元日與弘齋兄對酒

宦遊何地隔風塵
南北朝元十二春
紅日九天那對眼
白雲千里未歸人
即看冰雪沾蓬鬢
誤落煙花失路津
此日勸酬兄共弟
菜盤椒盞任吾真

人日挈諸子泛湖

春入春湖新水生
人逢人日舊山明
雲霞初散林巒彩
風日旋添魚鳥情
醉折官梅思遠道
笑携驥子動長庚
輕拈彩燕尊前落
絕勝金莖節後行

穀日喜晴

去年晚稻秋不實
由來穀日天冥冥
而今鳥雀階頭喜
爲卜田疇春後青
村村農務底須急
兀兀窮愁何處醒

放歌天地一聘望取醉湖山隻玉瓶

初春入天竺山過葛嶺拜先君墓所

曉發雲霞間遠霽肩輿尊酒作山遊新鶯未解枝頭語
高柳能顰春外愁隨意西來叅佛國何妨東去問丹丘
村村昨夜風和雨咽咽前溪不斷流

壽弘齋長兄五十詩二首

二月十四春正中煖雲晴日近簾櫳僊桃子熟濃薰酒
宦海波寬輕轉蓬安石已深天下望小坡曾得長公風
園亭燕喜千祥集一曲斯于笑語同

三歲從兄同講讀而今半百各翻飛鴈行舊序先應藹

荆樹新芳晚更肥
花下一尊開壽斚
日邊千祝報恩輝
好廻北斗臨天仗
坐對南山看少微

雨中湖堤看花

寒飈掠雨勝不減
獨客來尋湖上春
萬朵野桃紅着岸
幾叢短柳綠依人
雲迷僧舍鳴鐘遠
水隔遊船喚酒頻
明日天晴今且醉
懶鶯困蝶莫深嗔

柳亭賞牡丹和弘兄韻

紅芳獨抱春心老
綠醕旋添夜色妍
自信國花來絕代
漫憑池草得新聯
香窺蜂蝶偏多恨
笑隔雲沙亦可僊
勝賞百年拚共醉
繁華那更勝今年

南江馮子仁歸自嶺左飲于湖追憶往事愴然興
懷爰次午坡江子順韻二首

臺臣草疏拂龍顏戍客揮戈向虎關
湘沒湘纍心獨苦播遷粵徼骨應還
西湖啼鳥番多興南菊開尊且故山
佩玉即看隼闕下賜環端出五雲間

十載思君未解顏安危君與世相關
朔風鴈斷孤雲沒炎海春回白鳥還
天地此身輕若寄君親大義屹于
山當歌不厭尊前酒人在六橋楊柳間

賀九山喻崇德被薦因憶金堂令希義感懷

蜀郡多君猶子歎吳門今復對君歡
關河月色臨仙佩

朝野風聲待法冠此日薦雄應不忝他年借冠好同看
揀荒見說憂民隱飛鳥鳴琴且自寬

悅齋阮秀水復初報最北上

出牧三年煩兩地動民百里足千家東南財賦誅求盡
西北軍儲輸挽賒闕下題封心轉劇日邊雨露寵方
加彈冠要路行春令簪筆明光收晚衙

五月五日夜夢高堂覺而哭奠几前有感

午日正陽剛得令春輝子夜獨關心雲撩怨鶴傳清唳
風墮啼鶻失好音角黍有絲纏自苦蒲觴和淚滴難禁
可憐艾葉交庭戶不傍萱花椿樹林

按察任王臺胡慎齋盧抑齋鄒和峰劉一崑張蒙
溪諸公奠先君于墓所苦雨後晴感而賦此

天河夜注占心急曉斷扶桑望眼遙忽亞林臯開日輦
漫虛斗夕下仙輶寵光草木孤墳在羞澁風塵雙淚饒
束帛瓣香荷知與一尊雲路共招邀

九日同六橋冷尚寶登湧金城樓得高字

檻外長風掠布袍
山前短髮任刀騷
十年把翫他鄉菊
此日追陪同里豪
城郭曉臨雙闕迥
江湖秋見萬峰高
閑心不負陶彭澤
剩有壺觴可濁醪

輓邵滄洲

滄洲宗老老醫盧頭白談玄氣尚龐忽謝塵煩歸大化
好收花鳥入方壺招邀玉遂風前雀寥落丹砂海上爐
何處夢魂秋萬里一天涼月照清都

和弘齋兄春日齋居韻

春風長日遲山齋鳥語花明足快哉身世百年餘俯仰
乾坤兩眼且掀脰修篁也自搏風緊瘦石何妨蝕蘚莠
不道飛仙還有藥放歌天外更徘徊

庚子至日書懷

仲冬望日剛長至雪片霜花短髮催地底喜回鄒子律
天涯愁絕杜陵詩不煩雲物占消長爲有梅蒐入夢思

何處春風千萬里乘龍躍馬任吾之

雨中過訪西崑劉子未昌用弘兄韻二首

東風刷雨漫撩人岼態林香着眼新
棹發花潭論舊與尊開草閣道吾真
千金不博屠龍技三刖誰憐獻玉臣
珍重端闌太平老擁貂常抱萬年春

湖颺雨過怯行人坐晚雲停咲口新
瀚海此身元是幻風波滿地認難真
靈修不作浮湘客羽翼終歸輔漢臣
愁絕四山煙水合柳枝桃葉暗藏春

坐巾子峰上對酒

巾子峰高天氣清烏紗白幘笑相迎
雲迷塔影日初下

水抱蟾光秋轉明，海上三山堪對酒。
風前九日漫傳觥，主人興發客不去。
忽聽歌童開鳳笙。

春莫王葛墩南軒賞牡丹

水部園亭春較遲，萬花落盡見芳姿。
丹心更惜東風力，粧面先傳玉樹詞。
百寶千金元自愛，蜂香蝶箔莫教知。
敲回檀板紅綃下，一曲詞終酒一卮。

名花三月正芳妍，花下開筵特地偏。
不有紅香薰几案，肯教綠酒共留連。
輞川畫裏人常主，常曲溪頭春可憐。
好辦青錢醅盛賞，暖煙晴吹上新牋。

和僧質山韻簡豐村監察于瑀瑤寺

崑四月十四
立夏日也

三峽行驄天外別孤山駕鶴雨中携清尊竹葉心同賞
流水桃花路轉迷緣結袈裟修淨土詩先佛子示招提
東風昨夜驚回首萬里春情信馬蹄

北高峰小憩白雲堂折梅限韻

白雲小結山堂淨碧障全低石磴開百折且窺初倦鳥
一枝先啖未酸梅煙霞縹緲中天出湖海分明入畫來
爲問浮屠經幾劫何年寶梵殷風雷

下山過韜光菴和韻

高峰絕磴雙旌發上刹回谿一逕過學士題封碑刻在
老師遺偈道心多金蓮引水開雲石翠壁含風雜珮珂

落日分杯共蘭若閒心半榻意如何

豐邨放舟鴛鴦湖惜別有感

長夏東湖不繫船偶陪霜駕集冰筵清風一道人同遠
明月九天心共懸錦瑟朱弦辭吹發青蒲白鷺水雲連
使君行誼高今古玉樹應花晚更妍

野石邊別駕張筵于虎丘紹靖書臺餞豐邨有感
崇臺豐宇何年構夏日偏宜芳樹林無柰故人天外別
不禁地主杯中深闔閭立國幾興廢傀儡當場誰古今
坐酒閒情復長慨可如野水輕鷗心

壽居素尤翁七十兼簡西村京兆三章

八月廿八天氣清居素老人茲降生煙霞初結白蓮社
風露旋尋黃菊盟北斗尊移三島近西村袖舞千花明
遲予獻壽者誰子青鳥蟠桃來漢京

青瑣冰含金雀袍百年恩寵五雲高聲華早擅橋門彥
勲業何煩塵海勞天上龍章疇寸草秋來崔馭醉仙桃
老人自得長生訣那用靈椿祝彩毫

九龍山下洞虛宮路入蒼茫紫翠通清夢已拚塵海隔
幽居真與素心同隨緣羽客餐朝露結社玄壇棲晚風
知是玉霄僊錄在好憑仙步問無終

野石移尊小武當覽勝

玄壇何地逼禪臺路轉松杉閣道開野石尊罍群鳥雀
衡山詩句伴莓苔虎丘金碧傳新勝龍殿香煙徹上台
更酌河梁總乘興溪雲山雨洗天來

和壁上衡山文待召韻

剜却蒼杉合翠微九霄宮闕四山圍不緣野性耽雲石
曾得玄談學羽衣檻外流泉初雨過天涯芳草壯心違
勝遊剩借南薰便落日扁舟塵夢稀

惠山下舟中言別

昨馳蜀道承臺薦今傍吳門別使旌夏日仙舟閒對酒
春明京國漫啼鶯激揚不負才賢地遷轉應先謁閣聲

此去匡時有良策北風何惜鴈來情

喜雨三章爲竹吾張常州賦

仁賢太守心民隱赤日黃塵禱雨來鶴駕未還驚掣電
龍潭先喜動輕雷九天煙霧排山海絕壑風濤遍草萊
知是湖南百萬戶窮愁一夜笑聲回

皇家財賦東南寄寇虜頻仍不可支曾似明公憂底急
一番甘雨得來奇豐年可卜三農望何暮應酬五袴思
爲憶西川舊時事高江萬里忽垂垂

奔雷急雨夜不止曉起炎蒸朔海雲颺曳忽遮雙闕迤
滂沱真訝九龍分高齋散帙爐煙細燕寢凝香花氣薰

蘇老當年胡不有
桔槔聲裏更思君

七夕初度志感

五十年開七夕尊
白頭猶復記兒孫
經秋慣見河陰彩
入夜偏憐膝下恩
瓜果當筵深涕淚
風波滿眼孰評論
我生此日翻多拙
恠底憐家乞巧喧

人生百歲歡有幾
我今半百番悲嘆
爲郎那厭水曹冷
出牧偏經蜀道難
十載天涯任竿瑟
一回江上翻波瀾
夜深露立問靈鵲
河漢何緣飛羽翰

八月十八觀潮

十年江上潮聲遠
今日潮生勢轉高
風雨晴翻珠闕迥

雷霆畫引玉龍號驚魂萬里回塵夢壯觀三秋落彩毫
曾得此身付鷗鳥浮沉元不怯波濤

輓鄭一峰母次吳青丘韻

秋風一夜商歌發短筵殘砧急晚煙孤鴈憶群憐故壘
啼鳥思嘯泣離筵百年結志疇冰雪九我盟心在簡編
蘭桂生香知有日清霄雨露下重泉

吊漸山太史偶遭春山憲副爰從修謁感賦二首
海上有人能避地山中無計可尋真比從吊客經過遠
忽報丹航笑語新緝綰柳條青入座杯分竹葉綠浮春
十年塵土風流在爛醉清歌不厭頻

貞白堂開東海頭小山疎竹晝常幽階前野雀不解語
屏上美人還自羞
軍令好從歌吹發詩脾端向酒腸搜
也知白也真無敵日莫推評消客愁

元峰海樓二律
子廣唱故云

石門夜發

閒心謝却風塵道晏歲誰牽冰雪槎笑入雲華杯數舉
桡迴樵李鼓頻搗星河影落三更月燈火芒寒五夜花
不是山陰歸興發孤琴獨鶴去還賒

除夕折梅

七日東風臘未殘梅花先破隴頭寒一枝曉向銀鉸折
萬里春從玉樹看可是孤根青結子謾教疎影綠依闌

浮生著處成真果世味嘗來底舊酸

癸卯元日頌椒

回首春風半百過今朝春更笑顏酡清尊柏葉椒花共
近曙黃雲紫氣多新歲分明占景象此生那得老山阿
舊來懊恨俱消歇試看床頭隻珮珂

尋春

正月六日天氣新上客來尋湖上春沙鷗水鳥白無數
桃葉柳條青未勻西遊竺國悅禪語東去定光參佛身
風前涼月傍歸路醉後狂歌愁向人

簡畲楊丹泉下祝長年詩

元宵喜接故人書月下番歎近索居更有瑤篇來遠道
炯然珠斗照吾廬湖南合共煙霞老湘水真憐滄淚虛
回首春風天外客鴻毛此日意何如

慕菴爲鄉人宋蕃賦

春風吹不到山堂夜月番疑照屋梁白骨可憐埋宿草
此身那得產空桑百年滄淚嗟何及回首聲容恨渺茫
我亦思親共懷抱玉泉泉下水湯湯

秋江別意餞廬抑齋方伯

湖頭惜別醉樓船江上清秋思黯然去影况隨鴻鴈候
分枝仍向菊花天雲霄萬里中台迥淮海千年正氣懸

關塞即看新節制指揮定許淨風煙

海山遙祝壽龍洲李侍御封翁七十

北海尊開千日酒南山壽獻萬年卮
郢中花鳥酣春事浙上風煙入夜思
上寵已嘶丹鳳勅新波還下玉龍池
相知此共瞻心遠一曲靈椿賦所私

除夕新居

朔吹寒煙此夜除滿天星彩照吾廬
鴛鴦出水憐新渚鴻鴈撥雲索舊居
筓下喜傳生菜細折來恠底野梅疎
百年歲序頻流轉明日春風任卷舒

甲辰元日

半百年過髮未疎東風吹煥草堂虛中天日月開寅正
大地陽和啓泰初柏葉且傾千日酒椒花還獻萬年書
春心合共南山老北極常瞻帝者居

六日過法相寺即景

風煙匝地湖南路火砲連天亂鼓聲曉日開山千嶂合
初春禮佛萬緣齊行間棣萼晴相照醉裏雲霞望不迷
藉草更憐紛作隊傳花偏惜共招携

七日泛湖拜武穆祠感懷

人日開尊西子湖風禽水鳥漫相呼眼前得句興偏遠
醉裏看雲山更紆武穆千秋遺寢在精忠四壁壯心孤

吹竽鼓瑟何爲者明月扁舟涕淚俱

元宵紀異

五夜燈闌盡雨還朝來晴日更開顏九衢故沆紅塵
萬里回看寶月閒火樹玉龍驚自翥風簷珠果落誰攀
占年已得豐亨象樂事那從病眼慳

十八夜觀燈

元宵說有張燈禁底事今宵尚有燈節后香車人不斷
更闌醪酒興還乘九天涼月且姝麗一曲繁絃那沸騰
歸騎却憐遊冶客落梅腔冷謾無憑

訪東匯呂選部和簡

君才鵬擊日圖南老我蝸涎祗自酣吏部文章說韓愈
成都歌頌魏張堪明珠入夜拚同擲白壁誰憐咲且函
匯水盈盈傍湖曲好開松菊徑三三

寄昆池乘判府刺德州

池鑿昆明漢代功至今秦產最豪雄龍光斗分占神物
鶴馭湖陂見古風少府舊心民隱切大夫新沐聖恩
隆春回北地陽和動憑仗南枝寄遠鴻

過新豐訪豐村憲長對酒用來韻

豐溪雨過澹雲容一棹三更咲語從勅水蛟魚應徙倚
依人燕雀任遭逢閒情且醉風前酒勁節還叅雪後松

爲說豐翁有仙骨好調丹鶴飯蒼龍

平湖過張經匯入淞泖謁儼山翁不得歸途感懷
東湖夜發山陰棹海上思瞻長者居已失前溪迷去住
更憐盡日費躊躇長帆可作迴風翼惡吏偏供入饌魚
只只雲華不得度晚煙涼月下郊墟

雙輓錢海石掌科父母兼輓內人

女郎孝義重詞林底事三喪痛不禁鍾釜可期千日養
琴簪端繫百年心丹成鶴夢雲天遠鏡破鸞悲海月深
獨有玉龍池上龍泉堂輝燁共追尋

登大寧塔觀海東日出

浮圖海上出清霄
午夜扶乘散錦標
黃道有天開日月
白雲無際見波濤
銀山萬折潮初上
玉宇三更鶴可招
絕頂高寒欲飛去
巡簷燕雀共飄飄

簡贈魏長松海鹽令

十年藻思魁巴蜀
六載萍蹤滯海邦
循吏有情憐舊雨
故人無計換新腔
湖南早擬高賢並
江夏誰誇國士雙
此日漫遊出城郭
暖煙清吹度星旂

觀海

東海千年滙百川
南颶五月蕩遙天
陽侯入馭蛟龍出
秦駐當關虎豹眠
今古大觀閒島嶼
乾坤變態失秦川

聖明有道歌清晏萬里無塵莎草連

題兩溪號兼約新豐之游

烏溪一曲滄青溪君住春風溪水西
雨過波分渾燕尾萍逢蓬轉總鴻泥
劫來尊酒花前醉別去舟航柳外迷
何日新豐尋舊約兼葭秋渚漫招携

飲王雨舟山子題岷川盡

絕壁千峰削不成懸泉一道照還明
蒼松帶月盤龍出翠篠含風撲鳳鳴
流水琴心彈自遠白雲堦面坐來生
主人漫興香初供客子閒情歌轉清

巢居紀異二首

紫燕雙飛遶畫堂
堂前勝裏去來忙
泥融社雨金花重
繫引南薰玉剪涼
會見將雛生羽翼
更憐傍主近壺觴
一年一度傳新語
萬里春情說正長

茅堂寶勝戶高懸
燕子來巢真可憐
夢轉紺簾春未捲
祥開畫戟兆應先
日南仙履迴風駛
樞下瑤光散斗躔
謾說風流晉王謝
烏衣相認主人便

天然圖畫閣訪嵩陽白令尹和衡山文待照韻
西湖何處更升丘
况復槎迴星海頭
別去幾憐春草綠
相逢一咲曙煙浮
山林興遠紅塵夢
枕簟涼生碧樹秋
此日追尋圖畫裏
多君還卧最高樓

晴軒曹太守雨湖話舊用雒山那太史韻二首

南北峰高嵐氣浮
西湖煙雨舊神州
空濛漫指黃金闕
縹緲虛疑白玉樓
淮海十年驚別夢
武夷何日問仙遊
相逢且醉尊前酒
莫付閒愁江水頭

秋風蘋蓼滿江濱
夜雨湖臯多水雲
鷗鷺沙頭常比翼
鳳皇天外不離群
黃花媿我招新隱
丹桂知君發早芬
賢卽在座敢及之五馬一尊成繾綣
九霄萬里寄殷勤

重登大寧塔

長夏登看海上山
初冬晴日更躋攀
九天不改風雲氣
萬里真當虎豹關
遠興幾從臨絕頂
閒心早已出塵寰

洪厓指顧無多路笑拾金光去復還

題海月堂簡長松魏海塩

舊寺新懸海月堂白雲深護錦雲裝
洪濤萬頃秋生漲皓彩三更夜有光
何日皈依登覺岼朅來普照說慈航
爲憐地主心如海喜見中庭月一方

詩輓邵吉甫母孺人

燕山棠樹肇家聲南國分枝洵有情
一夕萱花開並落百年烏鳥恨難平
龍光雲冷鸞先翥鳳勅塵埋鶴自驚
爲說宗門遺範在相夫教子慰平生

壽余古田七十

官趨簿領辭南服祿報春輝尚北堂刀筆早從王事便
斑斕翻訝舞衣長幾多人得古稀壽七十年來鬢未霜
更喜階前雙鷺鳥雲霄指日見飛翔

李少溪幕貴陽因簡南川西賓

泮河江上晚煙明有客乘春一棹輕楊柳東風初軟軟
芙蓉渌水自盈盈朝趨幕府心猶壯夕贊藩垣思轉縈
銅柱高標天萬里好憑魚鴈慰而兄

乙巳新正弘兄開燕吳山少長畢集有懷二首

正元五日登高會棣萼相將作勝遊七寶峰頭春日薄
三茅亭子晚煙浮惠連興遠琴尊共康樂情深山水留

回首白雲棲野鶴修然骨髮伴林丘

曉日吳山多秀色九天開霽快登遊海門潮落空甲見
湖曲月明杯面浮堤柳風煙仍裊娜林鶯冰雪尚淹留
兒童爲探春消息折得梅花經遠丘

迎春和王霽山韻

東風簫鼓迎春至元夕開燈臘未歸火騎掣雲銀漢沒
泥牛行地玉塵飛花間好鳥聲千種柳外紅粧翠一圍
晚過天街仍月色不妨歌笑聞芬菲

元夕飲蓉峰宅和韻因簡霽山

當年燈火春三五今夕元宵昨夜春萬里東風吹綺席

簾疎雨浥芳塵。葭莖向暖，歡誰並。桃李含情意，未申
兒息尚在室故云醉聽隔隣。猶鼓砲香車，亦自過來頻。

賀柳亭葉中翰進廷評和程齋老師韻

塵海論心二十年。翻飛今喜快登仙。春回楊柳風前別，
臘去松筠雪後堅。棘寺新銜多雨露，蘭臺舊選切雲天。
纔車萬里來耆碩，王管瑤篇洵有緣。

東山蕭閫帥對酒和乚仙韻

將軍勒馬投簪早。爲愛東山興味同。曉日峰巒青入座，
春晴草樹翠含風。劫來肯共紅塵老，曲盡那教玉琰空。
報道回仙多錦思，笙僮鶴駕月明中。

送南泉楊道夫北上簡水竹居新主朱南川曹長
東風吹暖颺晴沙北部分枝柳未花老我十年淹水部
多君千里上星槎子雲詞賦應難並伯起才名近可誇
此去清淮尋舊約池亭尊酒照筠華

餞別許茗山蓼府

湖南惜別牽絲柳花外分杯醉錦桃勝入瞿唐雄劍戟
笑看灩澦狎風濤杜陵老去君誰共巫峽春來思轉騷
媿我十年先蜀道艱難無計傍詩豪

飲別龍池王中翰再簡豐村湖山之約

池亭風日延芳駕折盡荼蘼滿樹花座上春情傳茗碗

燈前夜語盼京華揮毫此去龍光別舵句年來雀夢餘
矯首尊公消息近湖山坐酒一停車

餞別午山陳憲副兼簡澹泉鄭和州同年

藝苑簪從登薦後水亭今喜話生平故人金紫風前別
憲節冰霜天外清洛上花深春未老湖南日暖柳先榮
百年尊酒論知己萬里波濤心轉驚

明山連憲副進萬壽表北上和燕山贈韻五首

燕山松檜鎖長煙十載湖山憶遠天柏府翛然來法駕
茆堂率爾試賓筵開尊笑醉風前酒擊楫歌迴月下舩
底事閑河分羽翼瑶行錦字下江邊

報到臺臣朝 帝闕忽驚雲外節旄飛駟車江郭衝朝
雨回首山堂掩夕暉易水珠璣元自別秋風鴻鴈未應
稀從占舊誼開新帙玉管緗函信手揮

聖皇萬壽超今古百代勛華秩太常雲近南山來嶽牧
天開北道見虞唐仙槎迢遞星河影上寵分明雨露香
此去詞垣應有待知君千里更回翔

萍踪浪跡自沉浮萬感無端隱百憂老却花潭閒五馬
多君金鏡獻千秋風高閭闔瞻宸極霞發崑崙醉羽
丘只尺龍光真眷切鳳池簡注邁時流

春去園林花徑幽偶登花外盼春樓一簾烟雨紅香晚

萬斛風濤碧樹秋坐對清尊拚盡醉何當遠別動離愁
閒情若箇如魚鳥地北天南好共游

題竹山

鳳皇山上多修竹夜月春雲見羽翰獨抱閒心甘自老
肯將苦節向人歎百年且醉風林晚一曲長歌煙水寒
欲托瑤琴寫幽况相逢何日爲君彈

壽南屏張道長母孺人八十孫坦葉子書致建業
端陽獻壽蒲觴暖白下娛親豢錦明鸞鳳新啣呈上寵
冰霜歷盡見長庚蟠桃青鳥人爭羨一日三公誰與并
更喜乘龍有仙客槎回星海寄吾情

壽崔岑車侍御父良齋封翁七十簡畲江門姚子
江門野客占心遠傳致羅浮豸史情千里北移仙仗急
百年南望壽星明 龍章忽下臨初度鶴算旋應共大
彭何事嶺頭梅早發長春元駐白雲城

詩輓沈孺人蕪慰珠泉方竹賢橋梓

錦瑟當歌曲未終朱弦中斷思何窮卽愁別鶴生新感
况復啼烏怨落紅方竹影寒憐夜月珠泉淚滴下秋風
梧捲砧杵傷心共何處招魂湖水東

丙午元日和楊月山叅戎紀顧龍川閩帥佳夢

龍川變幻不可測元日夢飛龍上天桃花三月出高浪

楊葉百步成真傳伏波英畧豈今古銅柱氣槩餘風煙
虎符談笑君在肘燕頤封拜誰爲先

春正三日江上看潮志喜

初春出郭迎新候忽見潮生海上來萬頃寒光千丈雪
九天佳氣一聲雷肯因逆瀨隨瀾倒好趁長風破浪回
漫爾中秋傳盛事會如此度更喧厖

和張宗伯玉谿甘司空凡山柳亭韻二首

染翰明光新制草瞻心楊柳舊山亭飛揚不作風前絮
去住真憐江上萍驛路傳情春可折官橋橫遂夜堪聽
多君愛客繁文藻媿我裁詩藉寵靈

几翁谿老詩之傑
鄧閣聯編賦柳亭
筆落官商傳錦瑟
風生劒戟動青萍
尊前倚馬才爭美
月下步虛聲可聽
千里束書來北道
翛然江上見湘靈

送蓉峰中含親丈之京

與君携手上扁舟
不是乘春作伴遊
千里風波心獨苦
九天雨露望應酬
杜陵賦句真成癖
阮籍臨歧豈解愁
珍重此行急回首
湖南花鳥爲君留

席上題春泉兼簡斯明賢契

昨夜溪頭春雨過
朝來注上長新波
桃花入浪灘聲遠
芳草和煙野興多
極目風塵飛不到
忘情魚鳥謂誰何

秦雲更有蛟龍種一躍何年發太阿

登毘陵天寧寺塵外樓和白顓菴公韻

塵外閒心一倚樓短歌長笛共扳留千桃逼戶漢宮曉
萬竹軋風湘水秋謾說仲宣當日賦番憐司馬少年遊
空門剩有高人詠流翰何妨樓上頭

過洛原白封部北庄水心樓話舊用前韻

天外紅塵不上樓風前野客最堪留青山坐酒能銷夜
白髮當歌可柰秋此日煙霞思共攬當年舟楫憶同遊
危帆濁浪驚心過鶴步鷗眠新水頭

再用壁間韻奉簡

斜日高眠未攬衣。溪頭閒却釣魚磯。百年可共江湖老。
十載何妨音信稀。苦竹影寒依短砌。碧桃香暖傍幽扉。
東風回首蘇堤曲。好鳥花間喚客歸。

塵遠堂前櫻桃千樹盛。開門外二銀杏礫珂奇古。
約有飛翥之狀。足占天寧剎。建多年各賦一首。
毘陵郭外春藏寺。塵遠堂前花近簷。一片錦雲晴不斷。
滿天香霧晝還添。風來笑眼全窺鳥。雨過啼粧半倚簾。
何日驪珠三萬顆。湖中野客試先拈。

禪關一榻依雙樹。古木千年斷六根。鐵榦植牙心未老。
霜皮剝落葉猶繁。蛟龍此去乘春變。風雨長來白晝昏。

且作靈槎泛星海好陪博望問河源

塵遠堂和壁間唐荆川韻

怕河覺岼苦難登遠却塵紛亦聖僧心上風波能解脫
眼前紅紫任薰蒸真機早向空門得劫火無從方外騰
閒說荆川有禪學因詩見道果誰能

吳韋村陳螺江移武山館簡謝

春日來看桃李園江莊接雙軒屏開隱見東山妓
醉去還移北海尊風味滿前軒酒蟹江鮮一自重河豚
鄉棕治詛疇能答回首湖南勞夢魂

欽怡溪劉邑博齋中話舊

丁酉科備卷爲一
匪兄從弟故云

弭棹菱溪揖故人春風堂上轉情親十年知己瞻心切
萬里通家入夢頻笑對李桃曾着眼醉憐花鳥若爲隣
何時攬轡湖西路白日青天好具陳

鴈山陳子琦溫州樂清人謹重且精翰墨故云

十年前作鴈山遊今日逢君興轉幽天柱端疑蒼玉立
龍湫飛灑錦雲流乾坤灝氣鍾應在河漢仙源近可求
早晚乘風向丹壑青春花鳥爲誰留

壽虹川端大名母七十

昨夜西池醉玉京今宵南極報長生蟠桃自結人間實
青鳥空傳天外聲采石祥煙迷遠道陽平芳樹鬱春城

起居我欲千年禩防禦常宣萬古情

席上有感

雨過山椒江岸開恍疑身世醉蓬萊蛟龍出水驚還沒
車馬衝泥去復來賸有好風吟遠樹不妨涼月度高臺
亭陰坐見雲霄翮誰說當年鶴未回